



Prishtinë, 29 mars 2018
Kodi i ZRRE-së: V_937_2018

Bordi i Zyrës së Rregullatorit për Energji

Duke u bazuar në:

- Nenin 9 paragrafi 1 nënparagrafi 1.7, nenin 15 paragrafi 1 nënparagrafi 1.15, nenin 25, nenin 26 paragrafi 1 nënparagrafi 1.2 dhe nenin 43 paragrafi 1 të Ligjit për Rregullatorin e Energjisë (Nr.05/L-184);
- Nenin 14 paragrafi 6 dhe 7 të Rregullës për Procedurën e Autorizimit për Ndërtimin e Kapaciteteve të reja;
- Vendimin mbi Njoftimin për Autorizimin Preliminar V_857_2016 të datës 11 nëntor 2016 të lëshuar shoqërisë "gEnCi" Sh.p.k., me të cilën ka dëshmuar përshtatshmërinë për zhvillimin e projektit për ndërtimin e kapaciteteve të reja gjeneruese për prodhimin e energjisë elektrike nga Hidrocentrali në Lokacionin HC Prizreni 8, ZK Nebregoshtë, me kapacitet të instaluar prej 2.1 MW, Komuna e Prizrenit, Republika e Kosovës, dhe
- Kërkesën për vazhdimin e afatit të vlefshmërisë të Vendimit mbi Njoftimin për Autorizimin Preliminar për ndërtimin e kapaciteteve të reja gjeneruese për prodhimin e energjisë elektrike nga Hidrocentrali në Lokacionin HC Prizreni 8, ZK Nebregoshtë, me kapacitet të instaluar prej 2.1 MW, Komuna e Prizrenit, të datës 02.11.2017, të shoqërisë "gEnCi" Sh.p.k., me adresë: rruga e "Mark Isaku" nr. 46, 10000 Prishtinë, Republika e Kosovës,

në seancën e mbajtur me datë 29 mars 2018 nxori këtë:

V E N D I M

- I. **APROVOHET** kërkesa e shoqërisë "gEnCi" Sh.p.k., dhe **SHTYHET** afati i vlefshmërisë së Vendimit mbi Njoftimin për Autorizimin Preliminar V_857_2016 i datës 11 nëntor 2016, për kompletimin e aplikacionit për marrjen e Autorizimit Final, për ndërtimin e HC Prizreni 8 ZK Nebregoshtë, me kapacitet të instaluar prej **2.1 MW**, Komuna Prizren edhe për një afat gjashtë (6) mujor, gjegjësisht **deri me 11 maj 2018**.
- II. Shoqëria "gEnCi" Sh.p.k., obligohet që brenda këtij afati të bëjë kërkesë me shkrim për shndërrimin e Vendimit mbi Njoftimin Preliminar në Autorizim Final për ndërtimin e kapaciteteve të reja gjeneruese për prodhimin e energjisë elektrike nga Hidrocentrali në Lokacionin HC Prizreni 8 ZK Nebregoshtë, me kapacitet të instaluar prej 2.1 MW, Komuna e Prizrenit, gjegjësisht deri me datën **11 maj 2018** duke i plotësuar të gjitha kushtet e përcaktuara me Rregullën e Procedurës së Autorizimit për ndërtimin e kapaciteteve të reja dhe legjislacionin në fuqi.
- III. Pas skadimit të afatit të cekur në pikën I. të dispozitivit, Vendimi V_857_2016 i datës 11 nëntor 2016 mbi Njoftimin për Autorizimin Preliminar, do të shfuqizohet në mënyrë automatike, dhe nuk do të shqyrtohet nga Bordi i ZRRE-së.



Arsyetim

- ZRRE, me datë 18.04.2016 nga shoqëria “gEnCi” Sh.p.k., ka pranuar aplikacionin për marrjen e autorizimit për ndërtimin e kapaciteteve të reja gjeneruese për prodhimin e energjisë elektrike nga Hidrocentrali në Lokacionin HC Prizreni 8 ZK Nebregoshtë, me kapacitet të instaluar prej 2.1 MW, Komuna e Prizrenit, Republika e Kosovës.
- ZRRE pas konstatimit se aplikuesi ka dëshmuar përshtatshmërinë e tij për ndërtimin e kapaciteteve të reja gjeneruese nga Hidrocentrali, me datë 11 nëntor 2016 ka lëshuar Vendimin mbi Njoftimin për Autorizimin Preliminar V_857_2016, dhe ka udhëzuar aplikuesin që t'i plotësoj kërkesat tjera ligjore që kërkohej me legjislacionin në fuqi në Republikën e Kosovës.
- Vendim mbi Njoftimin për Autorizimin Preliminar V_857_2016, nuk ka nënkuptuar edhe lëshimin e Autorizimit, përderisa nuk plotësohen kërkesat e përcaktuara me Rregullën e Procedurës së autorizimit për ndërtimin e kapaciteteve të reja.
- Njoftimi mbi Vendimin për Autorizimin Preliminar ka përcaktuar disponueshmërinë e caqeve si dhe pranimin e aplikuesit në skemën mbështetëse dhe garantimin automatik të tarifës nxitëse.
- Njoftimi mbi Vendimin për Autorizimin Preliminar ka përcaktuar se aplikuesit i garantohet lidhja e Marrëveshjes për Shitblerje të Energjisë Elektrike me Furnizuesit Publik në kohëzgjatje 10 vjeçare, e cila do të lidhet së paku (30) ditësh para datës së fillimit të operimit gjenerues.
- Vendimi mbi Njoftimin për Autorizimin Preliminar, është lëshuar në afat (1) një vjeçar, dhe në këtë vendim është përcaktuar se shoqërisë “gEnCi” Sh.p.k., do t'i jepet Autorizimi për ndërtim, nëse brenda këtij afati do të bëjë një kërkesë me shkrim për shndërrimin e Vendimit mbi Njoftimin Preliminar në Autorizim duke i plotësuar të gjitha kushtet e përcaktuara me Rregullën e Procedurës së autorizimit për ndërtimin e kapaciteteve të reja dhe legjislacionin në fuqi.
- Aplikuesi “gEnCi” Sh.p.k., me datë 02.11.2017 ka parashtruar kërkesën për shtyrje të afatit të vlefshmërisë së Vendimit mbi Njoftimin për Autorizimin Preliminar dhe në kërkesën e saj ka sqaruar se: *si kompani kanë bërë studimin e Ndikimit në Mjedis dhe kanë dorëzuar në departamentin përkatës të MMPH në afatet e parapara dhe janë në proces të pajisen me Pëlqim Mjedisor. Gjithashtu kanë theksuar se ka pasur vonesa në përpunimin e lëndëve dhe vendimet për pëlqime mjedisore nga ana e departamenteve përkatëse të Ministrisë.*
- Poashtu ka theksuar se kompania “gEnCi” Sh.p.k., ka kapacitete të plota dhe është e gatshme për realizimin e projekteve që janë dhënë licencat preliminare dhe atë me dinamik të përshpejtuar posa të marrin vendimet e Ministrisë dhe të pajisen me Vendimin final nga ZRRE. Andaj kanë kërkuar që të shtyhet afati i vlefshmërisë së Vendimit për Autorizimin Preliminar edhe për gjashtë (6) muaj, dhe brenda kësaj periudhe do të dorëzojnë dokumentacionin e kompletuar për autorizim final.
- Bordi i ZRRE-së, pas analizimit të kërkesës së shoqërisë “gEnCi” Sh.p.k., për shtyrje të afatit të vlefshmërisë së Vendimit mbi Njoftimin për Autorizimin Preliminar, ka vlerësuar atë dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.


IV. Vendimi nxirret dhe publikohet në gjuhët zyrtare në Republikën e Kosovës.



V. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.

Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i ZRRE-së:



Arsim Janova, u.d. Kryesues



Besim Sejfiqaj, anëtar



Selman Hoti, anëtar



Izet Rushiti, anëtar

Vendimi iu dërgohet:

- Palës,
- Komunës së Prizrenit,
- Sekretarit të Përgjithshëm të MMPH-së, dhe
- Arkivit të ZRRE-së